



# mjesečni Bilten

omladinska mreža bosne i hercegovine

avgust  
kolovoz  
2016.

207

## Dragi prijatelji/ce,

Predstavljamo vam avgustovsko izdanje mjesečnog informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine, koja za sada broji **181** organizacija i **115** pojedinaca iz **75** mjesta BiH. Bilten trenutno izlazi na bosanskom-srpskom-hrvatskom i engleskom jeziku.

Bilten sadrži informacije o radu Omladinskog resursnog centra (ORC-a) Tuzla, mjesečne aktivnosti omladinskih organizacija, neformalnih grupa i pojedinaca - članova Omladinske mreže Bosne i Hercegovine, njihove planove za naredni period i ostale korisne obavijesti namijenjene mladima i NVO sektoru (donatorski pozivi za projekte, konferencije, seminare, školarine, stipendije i sl.).

Ukoliko želite da budete na mailing listi za naredna izdanja mjesečnog informativnog Biltena, ili ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

[www.omladina-bih.net](http://www.omladina-bih.net)



### SADRŽAJ

Aktivnosti u avgustu 2016. ....	2
Planovi za septembar 2016. ....	5
Aktivnosti članova mreže .....	6
Saopštenja/informacije/donatori/pozivi .....	21

Uživajte u čitanju!

# AKTIVNOSTI ORC/HCA U AVGUSTU 2016.

## Omladinska grupa ORC Tuzla

Nakon pauze u mjesecu julu, Omladinska grupa ORC Tuzla je nastavila sa aktivnim radom u našem gradu. U ovom trenutku pred našim Omladincima su dva projekta koja su u realizaciji. U toku mjeseca avgusta Omladinska grupa je održala i dva sastanka, na kojima su okupljeni članovi planirali nastavak aktivnosti za ovu godinu.

### Dare to stay!

26. i 27. avgusta, Omladinska Grupa ORC Tuzla je, u sklopu projekta „**Dare to stay**“, održala radionice za 15 mladih iz Tuzle i okoline u Kući plamena mira. Tema radionica bila je ostanak mladih u Bosni i Hercegovini, kroz radionice o timskom radu, usavršavanju komunikacijskih vještina, simulacijama intervjuja sa poslodavcem i slično.

Naredna aktivnost koja nas očekuje je Okrugli stol koji će se održati 7. septembra 2016. godine.


Koordinatorica projekta je *Jasmina Begović*, a edukatorke na radionicama bile su *Merita Sokoli* i *Mediha Delić*.



## Nedovoljan 1

Omladinska grupa Omladinskog resursnog centra Tuzla u mjesecu septembru će raditi na realizaciji projekta **"Nedovoljan 1"**. S obzirom da su mladi rijetko, ili skoro nikako upoznati sa pojmom maloljetničke delinkvencije, te ne posvećuju dovoljnu pažnju ovom, u posljednje vrijeme sve većem problemu, odlučili smo educirati mlade.

Prijave na 3 modula koja organizujemo možete izvršiti putem sljedećeg linka:  
<https://goo.gl/forms/gB3Ddoyi81mEc4IH3>







**Nedovoljan 1**

Omladinska grupa ORC-a organizuje 3 modula interaktivno edukativnih radionica u Domu Mladih

- 1 Modul 5-6.09 od 10h do 14h
- 2 Modul 16-17.09 od 10h do 14h
- 3 Modul 28-29.09 od 10h do 14h

Za sve dodatne informacije možete se javiti putem maila: [OGORCTZ@gmail.com](mailto:OGORCTZ@gmail.com)

Institut za razvoj mladih KULT  UNDEF  The United Nations Development Fund

## Migration vs. Integration, Rogoznica, Hrvatska

U organizaciji Crvenog križa Županija u Rogoznici, Hrvatska, realizovana je Omladinska razmjena „**Migracija naspram integracije**“, koja je okupila 60 mladih iz 12 država. Mladi su imali priliku da razmjenjuju iskustva o migrantskoj кризи i da kroz lične prilike više se upoznaju o ovom problemu.

Bosanskohercegovački partner na ovom projektu je bila organizacija PRONI iz Brčkog, a predstavnici ORC Tuzla su bili *Adi Selman* i *Slobodan Blagovčanin*.



## PREDSTAVLJAMO MLADE!

### *Slobodan Blagovčanin*



*Slobodan Blagovčanin je koordinator Omladinske grupe ORC Tuzla od njenog osnivanja (oktobar 2013. godine) do sada. Zajedno sa Omladinskom grupom realizovao je veliki broj projekata za mlade u Tuzli i Bosni i Hercegovini. Pored obnašanja funkcije koordinatora Omladinske grupe, Slobodan radi i kao projekt asistent na projektima unutar samog Omladinskog resursnog centra.*

*U slobodno vrijeme radi kao trener i edukator na raznim temama koji se tiču problematike mladih u Bosni i Hercegovini i u regionu, pored toga aktivan je član i igrač Odbojkaškog kluba Sloboda Tuzla.*



## NAJAVA AKTIVNOSTI OMLADINSKE GRUPE ORC ZA SEPTEMBAR

### „Nedovoljan 1“

Projekat **"Nedovoljan 1"** OGORC će implementirati u kući plamena mira u Tuzli, početkom mjeseca septembra. Cilj projekta je edukacija srednjoškolaca i mladih o prevenciji maloljetničke delinkvencije, gdje će se i između ostalog obrađivati teme poput: stereotipi i predrasude, delinkvencija i nenasilna komunikacija, volonterizam i slično. Direktni učesnici našega projekta su srednjoškolci i mladi. Projektom je planirano da će 90 učesnika proći naše module radionica, a roditelji, kao indirektni korisnici imaće priliku postavljati pitanja na našem online savjetovalištu. Ovaj projekat će koristiti prije svega onima koji učestvuju na ovom projektu, lokalnoj zajednici i naravno nama kao mladima koji ćemo raditi sa svojim vršnjacima. Projekat je podržan od strane Instituta za razvoj mladih KULT. Projektni koordinator je *Husein Šljivić*.

### „Dare to stay“

„**Dare To Stay**“ naziv je projekta čija je glavna tema nezaposlenost mladih, a koji će se baviti i pripremom mladih na ulazak na veoma surovo tržište rada. Cilj je osposobiti i olakšati prvo zaposlenje mladih u našoj zajednici.

Realizacija projekta „Dare To Stay“ će se u septembru nastaviti okruglim stolom i javnom tribinom na kojima će se raspravljati o mogućnostima i perspektivama zapošljavanja mladih.

Ovaj projekat je odobren i finansiran od strane Helsinki Citizens' Assembly Istanbul, Turska, u okviru partnerskog projekta **„Prekogranične građanske mreže za mir, pomirenje i sigurnost ljudi na Balkanu“**, a koordinator projekta je *Jasmina Begović*. Prve aktivnosti planirane se krajem augusta.

## REDOVNE AKTIVNOSTI ORC I HCA TUZLA

Tokom avgusta radili smo na održavanju i razvoju komunikacija i koordinacije unutar Omladinske mreže Bosne i Hercegovine ([www.omladina-bih.net](http://www.omladina-bih.net)). U okviru toga smo svakodnevno na mejling listu mreže ([posta@omladina-bih.net](mailto:posta@omladina-bih.net)), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH. Vršili smo korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u Bosni i Hercegovini. Isto tako, naš projektni tim nastavio je sa apliciranjima za projekte za ovu godinu.

## PLANOVI HCA/ORC-A ZA SEPTEMBAR 2016.

- Sprovođenje redovnih aktivnosti kroz Omladinsku mrežu BiH;
- Aktivno učešće u međunarodnoj ALF mreži, održavanje i logistička podrška ALF Mreži Bosne i Hercegovine.

# AKTIVNOSTI ČLANICA OMLADINSKE MREŽE BiH



Vijeće mladih općine Tomislavgrad

Ul. Letka b.b., 80240 Tomislavgrad  
Tel.: +387 34 356 440; Fax: +387 34 356 444  
E-mail: [vijecemladih.tg@gmail.com](mailto:vijecemladih.tg@gmail.com)  
Web: [www.vijecemladih-tg.com](http://www.vijecemladih-tg.com)

## Vijeće mladih općine Tomislavgrad na predstavljanju filma "Djeca mira" na Sarajevo film festivalu

Vijeće mladih općine Tomislavgrad pružilo je partnersku podršku "Magacinu Kabare" na snimanju dokumentarnog filma "Djeca mira".

Kao rezultat tog projekta, kojeg je pokrenulo Udruženje za razvoj i promicanje umjetničke djelatnosti "Magacin Kabare" na čelu sa rediteljem *Emirom Kapetanovićem*, a uz podršku Veleposlanstva Sjedinjenih Američkih Država (SAD) u Bosni i Hercegovini, u Sarajevu je, 16. kolovoza, u sklopu Sarajevskog filmskog festivala promoviran dokumentarni film "Djeca mira".



Film o prvoj generaciji djece rođenoj u miru u Bosni i Hercegovini. Godina je 2016. Prošlo je dvadeset godina od potpisivanja Dejtonskog mirovnog sporazuma kojim je zaustavljen najrazorniji rat u Europi nakon Drugog svjetskog rata. Današnja Bosna i Hercegovina živi u miru obilježenom podjelama i sukobima oko događanja iz proteklog rata koji se prenose na nove generacije koje odrastaju podijeljene pričama o prošlosti. U takvoj Bosni i Hercegovini, šest mladih ljudi iz šest gradova Bosne i Hercegovine donose odluku da se upoznaju i pokušaju da stvore zajednički umjetnički čin kojim će poslati svoju poruku o budućnosti Bosne i Hercegovine.

Više od 50 mladih iz šest gradova Bosne i Hercegovine (Tomislavgrad, Bratunac, Zvornik, Mostar, Sarajevo i Bijeljina) koji su rođeni nakon potpisivanja Daytonskog mirovnog sporazuma bili su dio projekata u okviru kojeg su mogli iznositi svoje stavove i osjećaje o stanju u njihovim životnim sredinama.

Mirnodopskim postdaytonskim generacijama ovaj događaj pruža priliku da potpuno slobodno kažu šta misle o zajedništvu i podjelama.

Protagonisti filma: *Ivona, Radoš, Nina, Nataša, Zorica i Marko*, zajedno sa redateljem *Emirom Kapetanovićem*, multimedijalnim umjetnikom *Bojanom Stojčićem*, novinarem *Almirom Panjetom* i drugim edukatorima obilježavaju 20 godina mira i dan kada je postignut Daytonski mirovni sporazum.

Reditelj *Kapetanović* naglašava da je namjera projekata bila čuti razmišljanja i stavove mladih ljudi iz BiH bez da im se pokušavaju nametnuti ideje ili uticati na njihova razmišljanja, ali i bez traženja od njih da odgovaraju na pitanja o nečemu čega se ne sjećaju.

To je bio slučaj s ranijim projektima gdje su djeca bila primorana da pričaju o nekim stvarima koje nisu doživjeli ili ih takvi stavovi dodatno udaljavaju od druge djece iz drugih gradova s drugačijim sudbinama od njihovih.

Bilo je različitih radionica na kojima su mladi mogli napisati pozitivnu vijest iz njihove sredine ili su pisali sebi pisma za 20 godina, a nakon tih radionica urađen je performans s pobjednicima gdje su oni kroz pjesmu, poeziju i nastupe izrazili svoja razmišljanja i snove.

U okviru ovog projekta moglo se vidjeti da mlade generacije žele više, ali su izloženi stavovima starijih i onih koji pokušavaju da ih usmjere u pravcu koji oni zapravo ne žele.

Opće je mišljenje da se mladima treba dozvoliti da sami odaberu svoj put i izgrade svoje stavove, uočava se nedovoljno poznavanje ostalih gradova Bosne i Hercegovine što je identificirano kao nedostatak koji bi se mogao nadopuniti organiziranjem školskih ekskurzija unutar Bosne i Hercegovine umjesto u inozemstvu.

Uz podršku veleposlanstava u Bosni i Hercegovini ovakve projekte moguće je realizirati, mada bismo bili zadovoljni kada bi i fondovi iz Bosne i Hercegovine bili fokusirani na međugradsku suradnju. Ovo je mala država, a tako malo se poznajemo.

Više na našoj web stranici: [www.vijecemladih-tg.com](http://www.vijecemladih-tg.com)





## Omladinski klub "DIJAMANT"

Ul. Bučići 42, 70101 Jajce  
Tel./fax: +387 30 279 444, +387 61 179 209, +387 63 366 811  
E-mail: m.sekib@bih.net.ba  
WEB: www.ocd-dijamant.net, www.dijamantmoda.com

# Podrška djeci i mladima kroz omladinski angažman i aktivizam



U okviru projekata "Stvaranje povoljnih uslova za kvalitetan život mladih" Omladinski klub "Dijamant", implementira planirane projektne aktivnosti s ciljem veće podrške djeci i mladima, a kroz omladinski angažman i aktivizam. Projekat je sufinansiran od strane Federalnog ministarstva kulture i sporta u vrijednosti 3.000 KM. Projekat ima za cilj povećati aktivno učešće mladih u zajednici, jačati kapacitete mladih i promicati kreativne aktivnosti mladih kroz upotpunjavanje sadržaja za mlade.



Projekat će trajati šest mjeseci i biće obuhvaćena djeca i mladi, podjednako ženskog i muškog spola bez obzira na bilo kakvu pripadnost. Provest ćemo slijedeće aktivnosti: postavljanje zidnog info panoa gdje će se postavljati svježije informacije koje se tiču mladih, održavanje edukativnih radionica „Pisanje projekat projekta“, organizovanje muzičke party večeri, organizovanje izložbe mladih kreativaca, te informativno-medijska prezentacija. ■

## Rad na izradi projektnih prijedloga

Omladinski klub "Dijamant" Jajce, organizirao je besplatnu radionicu „Pisanje projekat projekta“ na koju su se odazvali mnogobrojni zainteresovani građani, mladi i studenti. Radionica se provela u okviru partnerskog projekta "Stvaranje povoljnijih uslova za kvalitetan život mladih", uz podršku Federalnog ministarstva kulture i sporta, a sadržaj radionice direktno je usmjeren na pružanje osnovnih znanja i vještina iz područja izrade projektnih prijedloga.

Fokus smo dali na male, jednostavnije projekte, dajući konkretne savjete i smjernice s ciljem što jednostavnijeg usvajanja i unapređenja znanja i vještina u području pisanja projektnih prijedloga. Ovo je jedna u nizu radionica koje planiramo organizirati i u narednom periodu. ■





## Institut za razvoj mladih KULT

Ul. 4. viteške brigade 34-36 BA, 71210 Ilidža, Sarajevo

E-mail: [kult@mladi.org](mailto:kult@mladi.org)

Tel.: +387 33 778 778; Fax: +387 33 778 779

Web: [www.mladi.org](http://www.mladi.org)

# Federalno ministarstvo razvoja, poduzetništva i obrta dodjeljuje grant sredstava za više od 450 korisnika - inovatora, mladih, žena...

Federalno ministarstvo razvoja, poduzetništva i obrta objavilo je potencijalnu listu korisnika grant sredstava Tekućih transfera za 2016. godinu, a na osnovu Javnog konkursa za odabir korisnika grant sredstava za 2016. godinu.

Na Javni konkurs pristiglo je više od 1.000 prijava, od čega je 456 aplikacija zadovoljilo kriterije Javnog konkursa.

Prema potencijalnoj listi korisnika, poticajna sredstva bi trebala biti dodijeljena inovatorima, tradicionalnim i starim obrtima, malim i srednjim preduzećima, aplikacijama za unapređenje institucijske poduzetničke infrastrukture, za poticaj projektima koje financiraju EU i drugi inozemni donatori, udruženjima, komorama i obrazovnim institucijama, te za tehničko usklađivanje.

Podrška je osigurana i za više od stotinu novoosnovanih biznisa, za poticaje poduzetništvu žena, te poduzetništvu mladih.

Javni konkurs objavljen je 18. maja ove godine, a javno je predstavljen na zajedničkoj konferenciji za medije Federalnog ministarstva razvoja, poduzetništva i obrta i Instituta za razvoj mladih KULT.

Institut za razvoj mladih KULT učestvovao je u pripremi Javnog konkursa, posebno u dijelu unapređenja kriterija koji se odnose na projekte za mlade, žene i novoosnovane biznise, te je pružio podršku ministarstvu u promovisanju Javnog konkursa i informisanja poduzetnika, prvenstveno o načinima prijave na poziv. Vijest o objavi Javnog konkursa na web portalu Instituta za razvoj mladih KULT pročitalo je oko 15.000 osoba.

Ministarstvo za realizaciju Javnog konkursa, odnosno podršku i pomoć privredi, izdvaja oko 4 miliona konvertibilnih maraka. ■

## Pobjednik foto takmičenja: Mladi moraju biti aktivni i tako mijenjati stanje

Institut za razvoj mladih KULT u augustu je na FB stranici Instituta organizovao foto takmičenje „Pokaži da možeš, pokaži da znaš“ povodom Međunarodnog dana mladih.

Cilj organizovanja foto takmičenja bio je promovirati važnost aktivizma među mladima, a za fotografiju koju je poslao *Abdulkadir Berbić*, volonter Crvenog križa osvojio je tablet.

„Aktivizam mladih veoma je bitan i potreban. Mladi itekako trebaju biti aktivni dio društva i na taj način mijenjati stanje, a ne čekati da to neko za njih uradi. Savjetujem mladima da se uključe u bilo koji oblik volonterskog rada za dobrobit naše zajednice i na taj način budu promjena koju žele vidjeti u svijetu“ – poručio je *Abdulkadir* prilikom preuzimanja nagrade.



Na foto takmičenje koje je održano od 12. do 19. augusta 2016. godine pristigle su brojne fotografije na kojima su mladi promovisali svoje aktivnosti. ■

## Brojni građani/ke na proslavi 8. rođendana Obrazovno-razonodnog centra za mlade SPAJALICA

Obrazovno-razonodni centar za mlade SPAJALICA u nedjelju, 28. augusta 2016. godine proslavio je 8. rođendan. Rođendanskoj proslavi SPAJALICE prisustvovali su brojni građani/ke za koje su članovi Centra organizovali višesatni zabavni program.

Za sve posjetioce organizovane su aktivnosti prilagođene njihovom uzrastu. Oni nešto mlađi, uživali su u igrama bez granica, različitim sportskim aktivnostima, društvenim igricama, a organizovane su i kreativne radionice, te druženje sa dosadašnjim korisnicima/cama Centra, polaznicima/cama obuka, te volonterima i volonterkama.

*“Drago nam je da se proslavi pridružio veliki broj građana/ki, jer to je potvrda da korisnici/ce Centra vole i cijene ono što radimo za njih. Obrazovno-razonodni centar za mlade SPAJALICA već osam godina mladima nudi prostor u kojem svoje slobodno vrijeme mogu provoditi sa smislom. Centar im zapravo nudi prostor za učenje, druženje i zabavu, a danas takvih prostora nemamo mnogo”* - poručila je Vesna Filipović, voditeljica Centra.

SPAJALICA, kao jedan od vodećih društveno odgovornih centara za mlade u Bosni i Hercegovini, sudjeluje u donošenju i provođenju odluka koje se tiču poboljšanja položaja mladih, te provodi pristupačne i inovativne obuke i aktivnosti za njihovo neformalno obrazovanje i razonodu.

*“Uživam u svim aktivnostima SPAJALICE. To je prostor u kojem sam toliko toga naučila na zabavan način i stekla mnogo prijatelja. I rođendandanska zabava za mene je jedno nezaboravno iskustvo.”* – izjavila je Emina, korisnica Centra.

Rođendanska proslava organizovana je ispred Obrazovno-razonodnog centra za mlade SPAJALICA na Ilidži. ■





## OMLADINSKA ORGANIZACIJA "SVITAC"

Ul. Jusufa Čampare bb, 76100 Brčko Distrikt BiH

Tel./Fax: +387 49 211 032

E-mail: [svitac@gmail.net](mailto:svitac@gmail.net)

Web: [www.svitac.org](http://www.svitac.org)

FB: [www.facebook.com/omladinska.svitac](https://www.facebook.com/omladinska.svitac)

## Dnevne radionice

Omladinska organizacija Svitac je u avgustu nastavila sa svakodnevnim aktivnostima. Učesnici su podijeljeni na dvije grupe, uzrast 4-7 godina svakim danom od 11:00-13:00, a uzrast 8+ od 14:00-15:30 časova. Grupa sa mališanima je ovog mjeseca pravila zajedno sa međunarodnim volonterima maske mačke i psa, zatim su bojili radne listove sa figurama raketa i malih svemiraca, raznog voća, i životinja te su vježbali i učili kako napisati broj 15, uz redovno ponavljanje brojeva od 1-14. I ovaj mjesec su radili na tehnikama crtanja vodenim bojama, te su koristili flomastere, masne i drvene bojice.

Šejkeri od malih plastičnih flaša su i u avgustu bili na programu za kreativni i muzički dio aktivnosti, te za ritmičke vježbe i rad u grupi. Grupa je takođe vrijedno vježbala tekst i melodije raznih pjesmica na engleskom jeziku prilagođene njihovom uzrastu. Cilj ovih aktivnosti je da djeca razviju maštu i da koristeći razne materijale izraze svoju kreativnost, takođe da razviju motoriku i poštovanje prema drugima i usvoje lijepo ponašanje. U avgustu je između 20-25 učesnika svaki dan pohađalo jutarnje kreativne radionice.

Poslepodnevna grupa prati raspored koji je svaki dan drugačiji, pokušavajući obuhvatiti što više različitih tema i aktivnosti (uzrast 8+).



Ponedjeljkom je na rasporedu kreativna radionica i kreativno izražavanje koristeći materijale iz okruženja, kao što su grane, peruške, cvijeće i kamenje, koje su bojili akrilnim bojama, te napravili manji mozaik koji je predstavljao sliku, crtanje raznih predmeta koji su bili sakriveni i po dodiru prepoznati o kojem se predmetu radi. Utorkom su radionice engleskog jezika, komunikacija, izgovor, te razne igre koje pospješuju učenje stranog jezika u grupi. Grupa je i ovaj mjesec, pored gramatičkih zadataka, vježbala komunikaciju na engleskom jeziku na temu **"Summer holidays"**, i nazive pravaca te prevozna sredstva. Srijeda je dan za učenje osnova njemačkog jezika i vježbanje usmene komunikacije. Ovaj mjesec je jedna od tema bila **"Moja kuća iz snova i Ljetni raspust/odmor"**. Učesnici su u prvom dijelu radionice naučili vokabular koji se odnosi na stanovanje, ljeto i putovanja i razne opisne pridjeve, a u

drugom dijelu su crtali svoju kuću i ljetovanje iz snova. Svakog četvrtka je grupa učesnika podijeljena u dvije manje i učesnici imaju mogućnost da izaberu sportske aktivnosti ili ples. Petkom su na rasporedu muzičke radionice gdje muzički koordinator *Sanjin Vošanović* zajedno sa međunarodnom volonterkom *Monicom Reeves* radi na motorici i ritmičkim vježbama iz pomoć boom whacersa. Preferira se rad u grupi i u paru.

Radionice se održavaju u Omladinskom centru Brčko distrikta. Koordinator radionica u avgustu je bila *Slađana Bašić* uz asistenciju lokalnih i Weltwaerts i EVS međunarodnih volontera *Jonasa Kiesnera* i *Anne Bonitz* iz Njemačke, *Vanesse Brumen* iz Austrije, te *Monice Reeves*, *Eleonore Pearson*, *Christiana Mennella* i *Trang Pham* iz Velike Britanije. Broj učesnika starije grupe je trenutno između 20 i 25 učesnika. ■

## Jezičke radionice

### „Pričajmo njemački“ – radionice komunikacije na njemačkom jeziku sa izvornim govornicima

Radionice njemačkog jezika se održavaju svakog četvrtka u prostorijama Omladinskog centra Brčko distrikt od 17:30-20:00 časova. Zbog velike zainteresovanosti i različitih nivoa poznavanja jezika i gramatike, učesnici su podijeljeni u dvije grupe, u grupu za početnike (novi A1) i napredne (A2, B1, B2). Radionice komunikacije na njemačkom jeziku su namijenjene za sve koji žele naučiti osnove gramatike, ali i usavršiti već postojeće znanje



i steći nova iskustva i poznanstva. U avgustu su grupe na svim levelima radili na tekstovima prilagođenim njihovom poznavanju njemačkog jezika iz njemačkog magazina za mlade „Vitamin.De“. Grupe A2, B1 i B2 su igrali igru „Tabu“ u kojoj se različiti pojmovi moraju što bolje objasniti na njemačkom jeziku.

Koordinatori projekta su međunarodna volonterka iz Njemačke *Anne Bonitz* i *Vanessa Brumen* iz Austrije. Radionice je u avgustu pohađalo 20 učesnika (obje grupe). ■



### „I love English“ – radionice komunikacije na engleskom jeziku sa izvornim govornicima

Radionice engleskog jezika se održavaju svake srijede u prostorijama Omladinskog centra Brčko distrikt od 19:00-20:00 časova. Radionice komunikacije na engleskom jeziku su namijenjene za sve koji žele naučiti osnove gramatike, upotrebu svakodnevnih fraza i drugih elemenata, ali i usavršiti već postojeće znanje i steći nova iskustva i poznanstva. U avgustu su učesnici radionica radili na komunikaciji i debatama sa različitim temama.

Koordinator projekta je međunarodna volonterka iz Velike Britanije *Monica Reeves*, a asistenti su *Eleonore Pearson* i *Christian Mennell*. Radionice je u avgustu pohađalo 15 učesnika. ■

## „Parliamo italiano insieme“ – radionice komunikacije na italijanskom jeziku za početnike

Radionice italijanskog jezika se održavaju svakog utorka u prostorijama Omladinskog centra Brčko distrikt od 18:00-19:30 časova. Radionice komunikacije na italijanskom jeziku su namijenjene za uzrast 16+ za sve koji žele naučiti osnove italijanskog jezika i upotrebu svakodnevne komunikacije u dijalozima, te steći nova iskustva i poznanstva. U avgustu je grupa radila na vježbanju usmene komunikacije u svakodnevnicima i konjugaciji glagola kroz lične zamjenice, te su se upoznavali sa određenim i neodređenim članovima uz imenice, prisvojnima zamjenicama i bogaćenju vokabulara.

Koordinator projekta je međunarodna volonterka iz Austrije *Vanessa Brumen*. Radionice je u julu pohađalo 10 učesnika. ■

## Radionice komunikacije na francuskom jeziku za početnike

Radionice francuskog jezika se održavaju svake srijede u prostorijama Omladinskog centra Brčko distrikt od 20:00-21:30 časova. Radionice na francuskom jeziku su namijenjene za uzrast 16+ za sve koji žele naučiti osnove francuskog jezika te steći nova iskustva i poznanstva. Koordinator projekta je u avgustu bila međunarodna volonterka iz Njemačke *Anne Bonitz*. ■

## Dramske radionice

Projekat „Dramske radionice“ za mlade se održava svakog utorka u prostorijama Omladinskog centra Brčko distrikt od 19:30-21:00 časova. Grupa trenutno radi na komediji i probama iz pete scene „**Ne mora uvijek biti Šekspir**“. Svaka radionica počinje sa vježbama zagrijavanja u trajanju od 10 do 20 minuta, a koje su od velike pomoći za opuštanje prije aktuelne realizacije radionice. U toku avgusta dramska grupa je imala više sastanaka i veći broj radionica, kako bi diskutovali o individualnom radu na scenama i tekstu. Ovaj mjesec su intenzivno radili na pojedinim scenama i na pripremama za nastup u septembru. Cilj ovog projekta je da mladi ljudi, koji vole pozorište i glumu usvoje nove vještine, te da steknu nova iskustva i poznanstva. Koordinator projekta je *Anne Bonitz*, međunarodna volonterka iz Njemačke. Dramske radionice u avgustu je pohađalo 15 učesnika, uzrasta 16+. ■

## „Freeletics“ – sportske radionice

Sportske radionice „Freeletics“ se održavaju utorkom i četvrtkom od 21:00-22:00 časova u prostorijama Omladinskog centra Brčko distrikt. Radionice su namijenjene za mlade ljude koji žele da poboljšaju motoriku, kondiciju i tjelesnu snagu, te da steknu nove vještine i poznanstva. Koordinator projekta je *Miloš Popić*. Asistent na sportskim radionicama je *Jonas Kiesner*, međunarodni volonter iz Njemačke. ■



## „Fun Day“ - interaktivne radionice

Projekat „Fun Day“ je počeo u julu i namijenjen je za djecu uzrasta 8+. Radionice su planirane sa ciljem da razviju i poboljšaju motoričke sposobnosti, rad u grupi i socijalizaciju. Na prvom dijelu radionica se radi zagrijavanje i „team building“ igre, a na drugom se realizuju planirane aktivnosti, kao što su razne igre sa loptom, i igre takmičarskog duha. Radionice se održavaju vani, u parku ili na travnjaku iza Omladinskog centra. U avgustu je 20 učesnika pohađalo „Fun Day“ radionice. ■

## Muzičke radionice

Učesnici muzičkih radionica koje se održavaju svakog petka u 14:00 nastavili su uvježbavati „In the hall of the mountain king“ norveškog kompozitora *Edwarda Griega*. Uz korištenje boomwhackersa (muzičkih cijevi), učesnici su se upoznavali sa dinamikom u muzici i trajanjem notnih vrijednosti. Na radionici učestvuju i drugi međunarodni i lokalni volonteri. ■



### Radionice gitare

Učesnici radionice gitare u avgustu su nastavili sa redovnim radom uvježbavajući razne tehnike, etide i kompozicije i duete u skladu sa njihovim trenutnim poznavanjem instrumenta. ■

### Radionice sambe

Učesnici ove radionice u avgustu su dalje razvijali varijacije na zadatu temu iz prethodnog perioda te počeli raditi i uvježbavati dvije nove kompozicije.

Za septembar se planira nastavak svih redovnih radionica Omladinske organizacije Svitac. ■



## PRONI Centar za omladinski razvoj

Ul. Mehmedagića 24, 76100 Brčko distrikt BiH  
Tel./Fax: +387 49 217 695  
E-mail: pronibrco@teol.net  
www.pronibrcko.ba

# “Migration vs. Integration”

PRONI Centar za omladinski razvoj je partner na ERASMUS+ projektu za mlade “Migration vs. Integration”, financiranog od strane Europske unije, a posredstvom Agencije za mobilnost i programe EU u Hrvatskoj.



# Erasmus+

Projekt se bavi temom EU građanstva i temeljnih vrijednosti EU, odnosno uvažavanjem različitosti, međukulturalnog i međureligijskog dijaloga, slobode, tolerancije i zaštite ljudskih prava, a usmjeren je traženju rješenja integracije izbjeglica i migranata u EU društvo.

Glavni cilj ovoga projekta je informisanje i podizanje svijesti kod mladih o potrebama migranata, izbjeglica i tražitelja azila kako bi se podstakla njihova integracija u europsko društvo.



Pet aktivista PRONI Centra za omladinski razvoj su bili na sedmodnevnom treningu u Rogoznici (Hrvatska) kako bi stekli vještine koje će:

- poboljšati nivo ključnih kompetencija i vještina mladih ljudi, uključujući mlade s manje mogućnosti, za bolje razumijevanje izbjeglica i migranata,
- podići nivo znanja mladih ljudi o potrebama izbjeglica i migranata i razlikovati vrste migranata,
- smanjiti ksenofobiju kod mladih,
- uticati na podizanje svijesti o EU vrijednostima i osvještavanje pripadnosti EU građanstvu,
- razvijati kritičko mišljenje kod mladih,
- doprinijeti suzbijanju diskriminacije izbjeglica i migranata,
- podići kvalitetu rada s mladima, posebno mladima s manje mogućnosti, te razvijati saradnju među organizacijama koje rade s mladima na međunarodnom nivou.

Više informacija o projektu na: <https://www.facebook.com/migrationvsintegration/>

## Međunarodni dan mladih

Od početka svog postojanja rukovodstvo i mladi ljudi u PRONI Centru pružaju ruku partnerstva lokalnim vlastima u cilju poboljšanja položaja mladih u Brčko distriktu BiH ali i drugdje. Napori za bolji položaj mladih koje PRONI ulaže 365 dana u godini su prepoznati u regiji, oba entiteta ali i na međunarodnom nivou. Unatrag desetak godina Međunarodni dan mladih je dan kada zajedno s mladima ukazujemo na njihov položaj, potrebe i izazove, ali i nudimo rješenja.

Napominjemo da su predstavnici PRONI Centra sudjelovali u izradi prvih strateških dokumenata za mlade u Republici Srpskoj, posebno Bijeljini. Naš generalni menadžer radio je sa jednom od radnih grupa Vlade Republike Srpske na izradi treće Omladinske politike Republike Srpske. Istovremeno, PRONI je direktno uključen u izradu i implementaciju lokalne omladinske politike grada Bijeljine već godinama. Član smo Omladinskog savjeta Bijeljina, te članica skupštine Omladinskog savjeta Republike Srpske.

Zajedno sa partnerima, pomogli smo osnivanje Vijeća mladih u Orašju, Domaljevcu, Teočaku, Srebreniku i drugim mjestima sjeveroistočne BiH i na taj način pomogli mladima da dobiju svoje predstavnike u dijalogu sa lokalnim vlastima. Suosnivači smo prve mreže omladinskih centara u BiH, te mreže lokalnih volonterskih servisa gdje svakodnevno surađujemo sa drugim članicama.

Od prvog saziva Povjerenstva za koordinaciju pitanja mladih Bosne i Hercegovine do danas, PRONI je jedina organizacija koje ima svoje predstavnike u sva tri saziva ovog jedinog tijela za mlade na državnom nivou.

U Brčko distriktu BiH, kao jedinom dijelu BiH koji nema rješeno pitanje mladih, smo jedni od najvećih zagovarača usvajanja zakona o mladima, zakona o volonterizmu, izrade strategije za mlade i drugih relevantnih dokumenata za mlade te usklađivanja rada svih sektora koji se bave mladima u Brčko distriktu BiH. Istovremeno, upravo je PRONI Centar organizacija koja je educirala generacije omladinskih radnika i radnica, inicirala i podržala osnivanje gradskog omladinskog centra, podržala mlade koji su pokrenuli niz inicijativa u Brčkom i šire.

Pored svega navedenog, nama su najveći uspjeh sami mladi ljudi koji svakodnevno sa nama rade i koji biraju biti aktivni i proaktivni u traženju posla i ličnom i održivom razvoju. Ovo posebno ističemo danas na Međunarodni dan mladih kada su Ujedinjene nacije odlučile da ovogodišnja tema dana mladih bude: „**Put do 2030. godine: iskorjenjivanje siromaštva i postizanje održive proizvodnje i potrošnje**“.

Od 1998. do danas PRONI Centar je surađivao sa desetinama hiljada mladih ljudi, a naše članstvo broji preko **2000** članova/ca u Brčkom, Bijeljini i okolnim mjestima. Posebno smo ponosni na to što prijateljstva i odnose koje stvore u našoj organizaciji mladi čuvaju dugo.

Ovogodišnji međunarodni dan mladih ističe borbu protiv siromaštva i održivi razvoj te kako mladi, svojim radom i idejama, mogu doprinijeti razvoju cjelokupnog društva. Upravo zato je iznimno važno da i mladi ljudi Brčko distrikta BiH dobiju svoje mjesto i konkretne mjere lokalnih vlasti u rješavanju svih pitanja mladih. Mladi koje mi poznajemo su istinski aktivni svaki dan u svojoj zajednici.

Krajnje je vrijeme i iznimno je važno da Vlada Brčko distrikta BiH usvoji zakon o mladima, definiira mlade ljude, definiira njihova prava i obveze u svakom segmentu života, strateški pristupi mladima i ponudi konkretne mjere za sva pitanja mladih u našem gradu.

PRONI Centar u ovom procesu stoji na raspolaganju lokalnim vlastima sa svim svojim resursima, jer mladi ljudi Brčko distrikta BiH ne mogu i ne smiju biti drugačiji od svojih vršnjaka u ostatku BiH ili regije. Oni to i nisu, jer se svaki dan sreću sa istim izazovima kao i vršnjaci, a lokalna vlast im mora biti partner u prevazilaženju ovih izazova svaki dan.

**Svim mladim ljudima u Bosni i Hercegovini i ostatku svijeta čestitamo 12. august – Međunarodni dan mladih** i ovom prilikom predstavljamo i novu internet prezentaciju PRONI Centra za omladinski razvoj koja će omogućiti da informacije o radu PRONI Centra i druge bitne informacije vezane za mlade ljude budu sto dostupnije mladim ljudima: [www.proni.ba](http://www.proni.ba)

## Balkan bez mržnje

PRONI Centar za omladinski razvoj je partner na ERASMUS+ projektu za mlade „**Balkan bez mržnje**“ koji ima za cilj edukaciju 30 omladinskih radnika iz sedam evropskih zemalja iz oblasti rješavanja konflikta i promocije mira na Balkanu.

Trenutno se petero mladih aktivista PRONI Centra za omladinski razvoj nalaze na treningu u Kotoru o mirovnom aktivizmu i video produkciji u cilju promocije mira.

Više informacija o projektu možete saznati na: <https://www.facebook.com/balkanwithouthate/>





Anesa Hidić, član Omladinske mreže, pojedinac

Omladinski krug Kladanj  
 E-mail: anesahidic@hotmail.com

## Održana šesta biciklijada u Kladnju

Dana 27.08.2016. godine održana je šesta biciklijada u Kladnju. Biciklijada je rekreativnog karaktera i dionica na kojoj se vozilo je prilagođena svim učesnicima starijim od 15 godina. Vozilo se na relaciji Kladanj - Djevojačka pećina - Hotel Muška voda (Mladoševac) - Kladanj u dužini od 45 km. Za sve uredno prijavljene učesnike obezbijeđen je ručak u prirodi i osvježenje. ■



## Smotra folklor

Dana 27.08.2016. godine održana je smotra folklor u Kladnju. Kao i svake godine domaćin je bio BZK „Preporod“ Kladanj. Na smotri je dalo učešće sedam folklornih društava. ■



## Prijem za predstavnike omladinske organizacija

U cilju jačanja saradnje institucija vlasti i nevladinih organizacija koje rade sa mladima, a u povodu obilježavanja 12. avgusta Međunarodnog dana mladih, općinski načelnik *Jusuf Čavkunović* je upriličio prijem za predstavnike omladinskih udruženja koji djeluju na području općine Kladanj.

Općinski načelnik je najprije uputio čestitku mladima povodom značajnog datuma a nakon toga je razgovarano o položaju mladih sa posebnim akcentom na stvaranje ambijenta za bolji život mladih na području općine Kladanj. ■



## Održana manifestacija dani dijaspre

Manifestacija „Dani dijaspre -Kladanj otvoreni grad 2016“ počela je dana 12.08.2016. godine izložbom slika sa 1., 2. i 3. Likovne kolonije i prikazivanjem filmova „Saucius“ i „Yugoslavia“ u režiji Ademira Gogića. ■



## Održana likovna kolonija u Kladnju

Po treću godinu za redom u Kladnju se i ove godine na lokalitetu „Muška voda“ od 5. do 7. jula održala likovna kolonija pod nazivom „Pogled ispunjen ljepotom“.

Likovna kolonija se održala u organizaciji neformalne grupe mladih iz Kladnja te je i ove godine međunarodnog karaktera sa učešćem 18 likovnih umjetnika iz Bosne i Hercegovine i regiona. ■



## Uspjeh Adema Kolaka



Dana 28.08.2016. godine u Sarajevu je održana trka Premijer lige Bosne i Hercegovine XCO (Cross Country Olympic).

Adem Kolak, član Biciklističkog kluba Kladanj, osvojio je 2. mjesto i srebrnu medalju u kategoriji mlađih kadeta. ■



## H.O. MUSLIMANSKO DOBROTVORNO DRUŠTVO – MERHAMET DOBOJ

Ul. Kralja Aleksandra 17, 74000 Dobojević  
Tel./fax: +387 53 226 886  
E-mail: merhamet.dobojević@cutuk.net  
FB: www.facebook.com/Merhamet-Dobojević

✧ U nedjelju, 31.07.2016. godine iza Akšam namaza održan Mevlud u Doboju u Trnjak džamiji povodom 12. godina njene izgradnje. Naše drage efendije na čelu sa *Adil ef. Rudanovićem* su priredile veoma raznovrstan program dok su aktivisti Merhameta i džematski odbor podjelili prigodne hedije.



✧ U cilju promocije tolerancije i socijalne kohezije dana 27. i 28. avgusta 2016. godine održana je humanitarna akcija prikupljanja neophodnih namirnica za Narodnu kuhinju u Doboju u kojoj su učestvovalе naše volonterke. Zahvaljujemo se ljubaznom osoblju u Supermarketu Đurić i svim dobrim ljudima koji su učestvovali u ovoj akciji.



✧ Nastavak aktivnosti u partnerstvu sa Emmaus organizacijom koja finansira po 1 hljeb dnevno za 13. socijalno ugroženih članova Merhameta.



✧ U subotu, 06.08.2016. godine izvršena je raspodjela humanitarne pomoći za socijalno ugrožene članove Merhameta.



✦ U partnerstvu sa HUGKD Doboju *Čabrić Hana* je izvršila raspodjelu školskog pribora socijalno ugroženim članovima Merhameta.



✦ Sastanak Koalicije „Tolerantno i pozitivno“ iz Doboja sa *Dmitrijem Iordanidijem*, šefom OEBS kancelarije u Banja Luci.



✦ Sastanak Koalicije „Tolerantno i pozitivno“ iz Doboja je održan u kancelariji Merhameta.



✦ Posjeta šefice OSCE iz Banja Luke.



✦ Dana 29.08.2016. godine organizovana je primopredaja prehrambenih artikala koje su volonteri nevladinih organizacija koje čine Koaliciju „Tolerantno i pozitivno“ iz Doboja prikupili u toku dvodnevne akcije. Predstavnici Narodne kuhinje procjenjuju da će prikupljeni artikli obezbjediti potrebe korisnika za više od mjesec dana. Posebna zahvalnost našim volonterima, građanima Doboja i trgovačkim centrima Đurić, Belamionix, Bingo, Košuta i Konzum.



# SAOPŠTENJA/INFORMACIJE/ DONATORI/POZIVI

## Javni poziv za odabir programa i projekata koji će se sufinansirati iz Budžeta Federacije Bosne i Hercegovine za 2016. godinu

Bosna i Hercegovina

Federacija Bosne i Hercegovine

**Federalno Ministarstvo kulture i sporta**

**Federalno Ministarstvo kulture i športa**

Broj: 01-14-3051/16

Sarajevo, 26. 8. 2016. godine

### OBAVJEŠTENJE

Obavještavamo sve zainteresirane da je Federalno ministarstvo kulture i sporta – Federalno ministarstvo kulture i športa objavilo Javni poziv za odabir programa i projekata koji će se sufinansirati iz Budžeta Federacije Bosne i Hercegovine za 2016. godinu za transfere:

- Transfer za obnovu kulturnog i graditeljskog naslijeđa;
- Transfer za kulturu od značaja za federaciju BiH;
- Transfer za udruženja građana i organizacija u oblasti kulture;
- Transfer za sport od značaja za federaciju;
- Transfer za mlade;
- Transfer za institucije nauke i kulture od značaja za BiH.

Tekst Javnog poziva za svaki od transfera može se preuzeti na web portalu Federalnog ministarstva kulture i sporta: [www.fmks.gov.ba/javni-pozivi-i-konkursi](http://www.fmks.gov.ba/javni-pozivi-i-konkursi)

**Prijave se mogu predati na protokol Federalnog ministarstva kulture i sporta do 13. 9. 2016. godine do 16.00 sati ili putem pošte zaključno s 13. 9. 2016. godine.**

Svi zainteresirani aplikanti koji ispunjavaju opće i posebne kriterije mogu propisane aplikacijske obrasce dobiti na protokolu Federalnog ministarstva kulture i sporta ili preuzeti s web portala: [www.fmks.gov.ba](http://www.fmks.gov.ba) te popunjene dostaviti na adresu:

**Federalno ministarstvo kulture i sporta**

**Obala Maka Dizdara 2**

**71000 Sarajevo**

Na kovrti je potrebno naznačiti „Za Javni poziv“ i naziv transfera na koji se projekt/program odnosi, kao i broj pozicije, namjene projekta/programa za koji se aplicira.

Ministrica Zora Dujmović

Više informacija: <http://www.fmks.gov.ba/javni-pozivi-i-konkursi/579-javni-poziv-za-odabir-programa-i-projekata-koji-ce-se-sufinansirati-iz-budzeta-federacije-bosne-i-hercegovine-za-2016-godinu>

## Poziv za projekte: Osnaživanje žena kroz uzgoj i preradu ljekovitog bilja

USAID/Sweden FARMA II poziva domaće neprofitne, profitne i nevladine organizacije, obrazovne institucije ili pružaoce poslovnih razvojnih usluga, da predaju projektne prijedloge za pružanje usluga podrške osnaživanju žena kroz uzgoj i preradu ljekovitog bilja.

Zainteresovane organizacije, legalno registrovane i prepoznate u skladu sa zakonima BiH, mogu preuzeti informacije o projektu putem sljedećeg linka: RFP 003 2016 – Osnaživanje žena kroz uzgoj i preradu ljekovitog bilja (<http://farmabih.ba/assets/content/rfp-004-2016-women-empowerment-through-map-cultivation-and-processing-1471879519.pdf>) (dokument je dostupan samo na engleskom jeziku!)

RFP dokumentacija uključuje: **Uputstvo za ponuđače, zahtjevi za podnošenje projektnih prijedloga, te detaljan opis posla. Sve informacije su date samo na engleskom jeziku.**

### ROK ZA APLICIRANJE

Projektne prijedloge treba dostaviti putem email-a ([grants@farmabih.ba](mailto:grants@farmabih.ba)) i lično / poštom u jedan od ureda USAID/Sweden FARMA II projekta, **najkasnije do 16:00 sati 23. septembra 2016. godine.** Pismeni upiti vezani za ovaj poziv mogu se dostaviti putem email-a [grants@farmabih.ba](mailto:grants@farmabih.ba) do 16:00 sati 14. septembra 2016. godine, nakon čega neće biti moguće postavljati dodatna pitanja. Sva pojašnjenja i uputstva će biti dostavljena putem email [adresegrants@farmabih.ba](mailto:adresegrants@farmabih.ba).

### INFORMATIVNI SASTANAK

USAID/Sweden FARMA II projekat će 15. septembra 2016. godine u 14:00 sati organizovati informativni sastanak, na kojem će se moći dobiti potrebna pojašnjenja o opisu posla, te će zainteresovanim ponuđačima biti data uputstva za podnošenje projektnih prijedloga. **Ovaj sastanak će se održati u uredu projekta u Sarajevu, na adresi Fra Anđela Zvizdovića 1, toranj B, 18-ti sprat. Ukoliko ste zainteresovani da učestvujete molimo pošaljite nam potvrdu učešća do 11:00 sati u ponedjeljak, 12. septembra 2016. godine.** Ohrabrujemo sve organizacije koje su zainteresovane za podnošenje projektnih prijedloga da učestvuju na ovom sastanku. Izjave i pojašnjenja od strane bilo koga drugog neće biti validna.

USAID/Sweden FARMA II očekuje da će rad na ovoj aktivnosti početi u oktobru 2016. godine i da će biti završen najkasnije do oktobra 2018. godine.

Više informacija: <http://farmabih.ba/bs/press/rfp-004-2016-osnazivanje-zena-kroz-uzgoj-i-preradu-ljekovitog-bilja/36>

## EIDHR: Globalni poziv za dostavljanje prijedloga projekata



Opći cilj ovog poziva za dostavljanje projektnih prijedloga je da podrži civilno društvo u njegovim nastojanjima da potpomogne zaštitu i promovisanje ljudskih prava i osnovnih sloboda širom svijeta.

Referenca: **EuropeAid/152550/DH/ACT/Multi**

Objavljen: **22.08.2016**      Ažuriran

Status: **Poziv ostaje otvoren do 14.10.2016**

Tip: **Bespovratna sredstva**

Program: **Ljudska prava**

Geografska zona: **Sve države**

Budžet: **31.034.000 eura**

Link: **EIDHR 2016 Global Call for Proposals** (<https://webgate.ec.europa.eu/europeaid/online-services/index.cfm?ADSSChck=1472046536362&do=publi.welcome&aofr=152550&orderby=upd&orderbyad=Desc&searchtype=RS&nbPubliList=15&userlanguage=en>)

Posebni ciljevi ovog poziva su da podrži civilno društvo i branitelje ljudskih prava koji rade izvan Evropske unije, u pet ključnih oblasti ljudskih prava koji odgovaraju lotovima javnog poziva za dostavljanje prijedloga Evropskog instrumenta za demokratiju i ljudska prava (EIDHR) 2014-2017.

- **Lot 1:** Podrška ženama braniteljicama ljudskih prava i/ili braniteljicama ljudskih prava koje zagovaraju prava žena i djevojaka gdje su ista najviše ugrožena
- **Lot 2:** podrška djelovanju civilnog društva koje se zalaže protiv torture i drugog okrutnog, neljudskog ili degradirajućeg tretiranja ili kažnjavanja
- **Lot 3:** podrška u provedbi Vodećih principa Ujedinjenih nacija na polju ekonomije i ljudskih prava
- **Lot 4:** podrška pravima osoba koje pripadaju manjinama i osoba koje trpe klasnu diskriminaciju
- **Lot 5:** podrška aktivnostima borbe protiv nekažnjavanja i tranzicijske pravde

Definicija ciljeva svakog lota ovog poziva za dostavljanje prijedloga bila je predmet konsultacija sa organizacijama civilnog društva tokom Forum organizacija civilnog društva održanog u Briselu 17. i 18. marta 2016. godine.

Prioritet će imati prijedlozi koje dostave lokalne organizacije kao vodeći aplikanti u cilju promovisanja vlasništva i lokalnog rukovodstva.

U slučaju aktivnosti koje pokrivaju više od jedne zemlje, učešće lokalnih aplikanata (kao glavnih podnosioca ili koaplikanata) u najmanje pola zemalja u kojima će se djelovati će se smatrati prednošću.

Prilikom određivanja relevantnosti aktivnosti, Evropska komisija će uzeti u obzir geografsku ravnotežu.

E-mail adresa koja se koristi isključivo za dostavljanje prijedloga na ovaj javni poziv je: [EuropeAid-152550@ec.europa.eu](mailto:EuropeAid-152550@ec.europa.eu). Ova adresa će se koristiti isključivo u svrhe objašnjene u članu 2.2. ovih smjernica, odnosno pojašnjenja zatražena u okviru zadanog roka za prijavu.

Prijave poslane putem drugih e-mail adresa neće se uzeti u obzir.

Preuzeto sa: <http://europa.ba/?p=44467>

## Omladinski angažman – grantovi za mlade

Omladinski angažman ima važnu ulogu u pokretanju zajednice i poticanju razvoja, jer podrazumijeva uključenost mladih u rješavanje mnogih pitanja za poboljšanje vlastitog položaja, ali i cjelokupne zajednice. Dok se većina mladih u Bosni i Hercegovini opisuju kao pasivni, ostaje zanemarena činjenica da mladi ljudi često nemaju potporu, ni usmjerenje, u svojim zajednicama kako bi ostvarili promjenu, zbog čega mnoge njihove želje i ideje ostaju neostvarene.

Kroz omladinski angažman mladi pokazuju da su ključni resurs svojih zajednica, uključuju se u odgovorne i izazovne akcije, i preuzimaju ulogu aktivnih građana. Fondacija SHL nudi finansijsku i mentorsku podršku mladima, posebno onima koji nisu imali iskustva u omladinskom angažmanu, da svoje ideje pretvore u stvarnost. Mladi diljem Bosne i Hercegovine vode omladinske kampove i sastanke, regrutiraju volontere, prikupljaju novac u humanitarne svrhe, organiziraju sportske i kulturne događaje, savjetuju i daju podršku svojim vršnjacima, te na razne načine utječu na svoje zajednice. Pritom stječu organizacijske i leaderske sposobnosti, praktična iskustva i aktivno sudjeluju u donošenju odluka.

Za finansijsku potporu Fondacije SHL mogu aplicirati omladinske organizacije, neformalne grupe i pojedinci kroz dva oblika podrške – **Fond omladinskog angažmana** (namijenjen lokalnim inicijativama u Bosni i Hercegovini) i **Movements Across Borders** (fond za prekograničnu suradnju mladih iz Bosne i Hercegovine i Srbije).

Prijavne obrasce trebate prvo snimiti na vaš računar, pa onda početi sa popunjavanjem.

Više informacija: <http://shl.ba/index.php/lat/omladinski-angazman>

# Poziv na podnošenje prijedloga 2016. – Program Erasmus+

Vrsta natječaja: **Bespovratna sredstva**

Država: **EU 27, Pridružene države, Hrvatska, Srbija, BiH, Crna Gora, Makedonija, Turska, Albanija**

Tema/sektor: **Mladi, Obrazovanje, Zapošljavanje**

Datum otvaranja natječaja: **20.10.2015.**

Rok za prijavu: **04.10.2016.**

Iznosi sredstava **€: 1.871.100.000**

Prijavitelji: **Instituti, Fakulteti, Osnovne škole, Srednje škole, Ustanove**

Natječajna dokumentacija: Preuzmite datoteku ([www.eu-projekti.info/eu/wp-content/uploads/2015/12/Dokumentacija1.zip](http://www.eu-projekti.info/eu/wp-content/uploads/2015/12/Dokumentacija1.zip))

**Ciljevi ovog Poziva** su između ostalog da se stope prijevremenog napuštanja školovanja smanje na razinu ispod 10% i da se omogući da najmanje 40% osoba u dobi od 30 do 34 godine dobije diplomu tercijarnog ili jednako vrijednog obrazovanja. To podrazumijeva i vodeće inicijative, posebno „Mladi u pokretu” i Program za nove vještine i radna mjesta. Zatim borba protiv visoke stope nezaposlenosti u Europi, osobito nezaposlenosti mladih i dugoročne nezaposlenosti, promicanju kulture cjeloživotnog učenja, ublažavanju društvene isključenosti i promicanju aktivnog građanstva. Kvalitetna stažiranja i naukovanja, uključujući ona iz mikropoduzeća te malih i srednjih poduzeća, potrebna su kako bi se premostila praznina između znanja koje se dobije obrazovanjem i osposobljavanjem te vještina i sposobnosti koje se traže u svijetu rada te kako bi se povećala zapošljivost mladih.

**Prihvatljivi prijavitelji za financiranje** u okviru programa Erasmus+ su sva javna i privatna tijela koja djeluju u području obrazovanja, osposobljavanja, mladih i sporta. Nadalje, skupine mladih koje su aktivne u radu s mladima, ali ne nužno u okviru organizacija mladih, mogu se prijaviti za financiranje za obrazovnu mobilnost mladih osoba i radnika te za strateška partnerstva u području mladih.

## Prihvatljive aktivnosti su:

### 1. ključna aktivnost 1 (KA1) – obrazovna mobilnost pojedinca:

- mobilnost pojedinaca u području obrazovanja, osposobljavanja i mladih;
- zajednički magistarski studiji Erasmus Mundus;
- događaji velikih razmjera europske volonterske službe.

### 2. ključna aktivnost 2 (KA2) – suradnja za inovacije i razmjenu dobre prakse:

- strateška partnerstva u području obrazovanja, osposobljavanja i mladih;
- koalicije znanja;
- koalicije sektorskih vještina;
- jačanje kapaciteta u području visokog obrazovanja;
- jačanje kapaciteta u području mladih.

### 3. ključna aktivnost 3 (KA3) – podrška reformi politike:

- strukturirani dijalog: sastanci mladih i donositelja odluka u području mladih;
- aktivnosti Jean Monnet: katedre, moduli, centri izvrsnosti, potpora udrugama,
- mreže i projekti;
- sportske aktivnosti: zajednička partnerstva koja se odnose isključivo na Europski tjedan sporta 2016., zajednička partnerstva koja se ne odnose na Europski tjedan sporta 2016., mala zajednička partnerstva, neprofitni europski sportski događaji koji se odnose isključivo na Europski tjedan sporta 2016., neprofitni europski sportski događaji koji se ne odnose na Europski tjedan sporta 2016.

**Ukupni proračun** dodijeljen ovome pozivu na podnošenje prijedloga iznosi **1.871.100.000,00 EUR:**

- obrazovanje i osposobljavanje: 1.645.600.000,00 EUR
- mladi: 186.700.000,00 EUR
- Jean Monnet: 11.400.000,00 EUR
- sport: 27.400.000,00 EUR

**Rokovi za podnošenje prijave** navedeni u nastavku istječu u 12:00 prema briselskom vremenu.

#### Ključna aktivnost 1

- mobilnost pojedinaca u području mladih: 2. veljače 2016.;
- mobilnost pojedinaca u području obrazovanja i osposobljavanja: 2. veljače 2016.;
- mobilnost pojedinaca u području mladih: 26. travnja 2016.;
- mobilnost pojedinaca u području mladih: 4. listopada 2016.;
- zajednički magistarski studiji Erasmus Mundus: 18. veljače 2016.;
- događaji velikih razmjera europske volonterske službe: 1. travnja 2016.

#### Ključna aktivnost 2

- strateška partnerstva u području mladih: 2. veljače 2016.;
- strateška partnerstva u području obrazovanja, osposobljavanja i mladih: 31. ožujka 2016.;
- strateška partnerstva u području mladih: 4. listopada 2016.;
- koalicije znanja/sektorskih vještina: 26. veljače 2016.;
- jačanje kapaciteta u području visokog obrazovanja: 10. veljače 2016.;
- jačanje kapaciteta u području mladih: 2. veljače 2016./1. srpnja 2016.

#### Ključna aktivnost 3

- sastanci mladih i donositelja odluka u području mladih: 2. veljače 2016./26. travnja 2016./4. listopada 2016.
- aktivnosti Jean Monnet:
  - ◆ Katedre, moduli, centri izvrsnosti, potpora udrugama, mreže, projekti: 25. veljače 2016.
- sportske aktivnosti:
  - ◆ zajednička partnerstva koja se odnose isključivo na Europski tjedan sporta 2016.: 21. siječnj 2016.
  - ◆ zajednička partnerstva koja se ne odnose na Europski tjedan sporta 2016.: 12. svibnja 2016.
  - ◆ mala zajednička partnerstva: 12. svibnja 2016.
  - ◆ neprofitni europski sportski događaji koji se odnose isključivo na Europski tjedan sporta 2016.: 21. siječnja 2016.
  - ◆ neprofitni europski sportski događaji koji se ne odnose na Europski tjedan sporta 2016.: 12. svibnja 2016.

Preuzeto sa: <http://www.eu-projekti.info/natjecaji/poziv-na-podnosenje-prijedloga-2016-program-erasmus>



### Dragi prijatelji,

*Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.*

*Rok za dostavljanje informacija za svako naredno izdanje je 30-ti u mjesecu.*

*Adrese za slanje vaših informacija za mjesečni bilten:*  
**Omladinski resursni centar Tuzla**  
**Hadži Bakirbega Tuzlića 1**  
**75000 Tuzla**  
**tel/fax: 035 258 077**  
**e-mail: [orcuzla@bih.net.ba](mailto:orcuzla@bih.net.ba)**  
**[hcatuzla@bih.net.ba](mailto:hcatuzla@bih.net.ba)**

*Mjesečni bilten uređuje*  
**Omladinski resursni centar - ORC Tuzla**

*WEB stranica Mreže:*  
**[www.omladina-bih.net](http://www.omladina-bih.net)**

*Mejling lista Mreže:*  
**[posta@omladina-bih.net](mailto:posta@omladina-bih.net)**

*Webmaster:*  
**[emir.delalic@gmail.com](mailto:emir.delalic@gmail.com)**